

PRIZIDENTI DI KÂMARA MICHELLE WU Y SIKRETÁRIU Y JERENTI JERAL INTERINU PHIL ENG TA ANUNSIARINIONS DI KOMUNIDADI PA PROJETU TRANSFORMADOR DI BLUE HILL AVENUE

Sidadi y MBTA ta apresenta dezenhus atualizadu di projetu y ta pidi más kontribuison dipôs di más di três anu di opinion di komunidad

BOSTON - Sesta-fera, 31 di Julhu di 2026 - Sidadi di Boston y MBTA anunsia oji un série di rinions di komunidad pa apresenta un dezenhu atualizadu pa Blue Hill Avenue Transportation Action Plan y rikodje más opinion di públiku. Na rinions, moradoris ta ten oportunidadi di analiza dezenhu atualizadu di projetu, kuadra pa kuadra, faze perguntas y da opinion sobri regulamentus di stasionamentu, iluminason di rua, spasus verdi y árvoris di rua, dezenhu di paragens di autokaru, apoiu pa pikinotis negósiu y otus prioridadi di komunidad.

Projetu ta representa maior investimentu na paisajen y infraestrutura di Blue Hill Avenue na últimus dékadas. El ta finansia un rikonstruson kompletu di strada y passeius na korredor di três milha y ta adisiona novus luz di rua, árvoris, mobiliáriu di rua, travesias más siguru y otu midjoramentus. Ta speradu ma faixas di autokaru na sentru di rua ta diminui tenpu di viajen pa tudu rotas di autokaru na Blue Hill Avenue. Viajen na Rota 28, di Mattapan pa Grove Hall, ta fika serka di 10-15 minutu más kurtu na óra di ponta—ta korta tenpu di viajen pa metadi.

“Dipôs di anus ta obi y prende ku moradoris, negósius lokal, lideris eleitu y utilizadoris di transporti públiku, nu sta kontenti pa partilha un proposta atualizadu ki ta rifleti opinion detalhadu y pa rikodje más kontribuison di públiku sobri futuro di Blue Hill Avenue,” fla **Prizidenti di Kâmara Michelle Wu**. “N ta inkoraja moradoris a partisipa na nos próximos rinions di komunidad y djuda orienta es investimentu transformador di un gerason, pa un Blue Hill Avenue más siguru y más ligadu pa tudu kenha ki oji ta mora, ta trabadja, ta faze kultu, é donu di un negósiu ô ta viaja na es korredor istóriu, y pa gerasons ki ta ben.”

“Moradoris, negósius y kes ki ta frekuenta y atravessa Blue Hill Avenue merese un korredor ki ta ekilibra nesesidadis di tudu algen. Sidadi y MBTA ta gradese tudu kontribuison di públiku ki nu resebe pa dizenvolve es novu konjuntu di dezenhus di rua. Ku kes rinion públiku ki ta ben, nu ta inkoraja tudu algen a ben odja mudansas ki sta ser propondu y nu ta resebe ku agradu más opinion, ki é esensial pa nu entrega es projetu ku susesu,” fla **Sikretáriu Interinu di Transporti y Jerenti Jeral Phillip Eng**. “Más risentimenti, enkuantu nu ta kontinua ta involvé nhos delegason lokal, negósius lokal y moradoris, sta klaru ma komunidad dja pidi y merese un novu dezenhu pa Blue Hill Avenue ki ta trata prioridadi antigu di bairu. Un dezenhu ki ta midjora siguransa, ta prezerva stasionamentu, ta apoia negósius y ta permiti ki vários modis, inkluindu piões, veíkulus, autokarus y bisikletas, pode ser uzadu y ta midjora kualidadi di vida di tudu algen. Nu ta inkoraja tudu algen a partisipa na kes próximos rinion pa odja proposta atualizadu y permiti-nu kontinua ta refina detalhis y entrega es projetu transformador pa nhos.”

Dezenhu atualizadu ta inklui mudansas y ta responde a preokupasons levantadu duranti três anu di partisipason di komunidad. Atualizason y benefísius prinsipal ta inklui:

- **Fluxu di Tráfiku y Siguransa:** Dôs ô más faixa di sirkulason na kada sentidu na maioria di área di projetu, pa garanti kapasidadi di tráfiku y kontrola kongestionamentu, djuntu ku viradas pa skérda y retornus en U kontroladu pa sinal, pa midjora siguransa di kondutoris y piões; ku fokus na diminui distánsia di travesia pa piões, kria más ilhas na faixas di piões y oferece un faixa protejidu di dôs sentidu pa siklistas pode ten asesu a zonas y parkis na korredor.
- **Más Spasus di Stasionamentu na Total:** Más lugar di stasionamentu na korredor ki kel ki ten oji. Alen di kel-li, Mattapan Square ta ser repavimentadu y markadu di novu antis di konstruson pa responde a nesesidadis atual di stasionamentu.
- **Vegetason y Infraestrutura:** Kuazi 200 novus árvori di rua, tudu luz di rua substituídu, sinais di tráfiku atualizadu, 185 novu rampa pa piões y 20 travesia adisional pa piões ku sinal, pa travesias más kurtu y más siguru.
- **Sirvisu di Transporti Públiku Midjoradu:** Faixas di autokaru na sentru di rua y plataformas di entrada dezenhadu pa diminui kongestionamentu, midjora sirvisu di transporti públiku y adisiona stasionamentu na berma

Alen di kel-li, Sidadi y MBTA sta komprometidu a apoia pikinotis negósiu y instituisons di fé na korredor duranti períudu di konstruson y dipôs di projetu fika prontu. Office of Neighborhood Services, Office of Cultural Affairs, Office of Economic Opportunity and Inclusion di Sidadi, y ekipas di partisipason di MBTA, sta kontata donus di negósiu y lideris relijiozu pa sabe sobri ses nesesidadis speradu y es ta trabadja pa dizenvolve mididas pa diminui impaktus.

“N kre gradese Prizidenti Wu, Jerenti Jeral Eng y ekipas di transporti di Sidadi di Boston y MBTA pa ses trabadju sen kansa na es dezenhu atualizadu pa Blue Hill Ave,” fla **Reprezentanti Stadual Russell Holmes**. “Nos komunidadis merese es investimentu na nos zonas. N ta spera un partisipason forti y kontinuadu di komunidad di na es outonu pa refina más dezenhu y torna es projetu, ki dja ta speradu txeu tenpu, un realidadi.”

“N sta animadu ku es tipu di partisipason di komunidad na projetu di Blue Hill Avenue,” fla **Konsejeru Munisipal Enrique Pepén**. “É fundamental ma moradoris, donus di negósiu y pasajerus di autokaru kontinua na sentru di es prosésu, pa nu pode entrega un korredor más siguru, más asesível y ki ta funsiona midjor pa tudu algen. Komu Konsejeru Munisipal ki ta representa priméru 1.4 milha di projetu, N ten orgulhu di apoia es trabadju y di kontinua ta difende nesesidadis di nos komunidad.”

“Na Mattapan Food and Fitness Coalition, nos vizon é odja Mattapan komu un komunidad saudável, ligadu y prósperu,” fla **Diretora Izekutivu di Mattapan Food and Fitness Coalition Shavel'le Olivier**. “Transporti públiku konfiável, siguru y asesível é esensial pa torna kel vizon un realidadi. Kes próximos rinion di komunidad di Blue Hill Avenue é un oportunidadi pa involvé moradoris di novu, obi diretamenti kenha ki depende di es korredor tudu dia y trabadja djuntu pa molda futuro di transporti públiku na nos zona. Nu ta inkoraja tudu algen a partisipa y djuda garanti ma vozis di komunidad kontinua na sentru di es prosésu.”

Kalendáriu di Rinions:

Ta ten interpretason di línguas disponível.

Town Hall in Mattapan (Rinion Públiku na Mattapan)

Data: Kinta-fera, 10 di Setenbru di 2026

Óra: 6:30–8:00 PM

Lugar: Morning Star Baptist Church

1257 Blue Hill Avenue

Mattapan, MA 02126

Open House in Dorchester (Rinion Abertu na Dorchester)

Data: Sigunda-fera, 14 di Setenbru di 2026

Óra: 6:30pm

Lugar: BCYF Perkins Community Center

155 Talbot Avenue Boston, MA 02124

Open House in Mattapan (Rinion Abertu na Mattapan)

Data: Tersa-fera, 22 di Setenbru di 2026

Óra: 6:00pm

Lugar: Mattapan Branch Library

1350 Blue Hill Ave, Mattapan, MA 02126

Town Hall in Grove Hall (Rinion Públiku na Grove Hall)

Data: Kuarta-fera, 30 di Setenbru di 2026

Óra: 6:30 pm

Lugar: BCYF Holland

85 Olney St, Boston, MA 02121

Projetu ten apoiu di un subsídiu di U.S. Department of Transportation, administradu pa Federal Transit Administration (FTA), djuntu ku finansimentu di Sidadi y MBTA. Investimentu ta apoia dezenhu y rikonstruson konpletu di Blue Hill Avenue, desdi River Street pa norti ti Warren Street.

Más informason sta disponivel na: mbta.com/projects/blue-hill-avenue-transportation-action-plan.

###